

山東通志


卷二十八之八

內閣文庫		
函	冊	號
四六	六九	三九六九
七	冊	類

內閣文庫		
函	冊	號
三九二	六九二	三九六九
二架	冊	類

(二五三芥)

內閣文庫	
番號	漢 3969
冊數	692 (352)
函號	291 97



山東通志卷之二十八

淺草文庫

人物四

順治

康熙

雍正



中採輯原傳而無柰格於
功令非咨部留祀者不書今就遞年咨請各冊撫其事實而編
次之以時為序勿以先後為軒輊也

田玉閏定陶人甫九齡即以孝稱父病十餘年躬侍湯藥衣
不解帶歷久如一日順治初土寇圍城兵食不繼玉潤出家
粟麥以贍之城守得全又捐資以脩文廟鬻序為之一新卒

後二十年士民公請入鄉賢祠

孔衍鉅聖裔其祖始遷居汶上順治初補博士主鬯聖澤書院整廟貌肅明禋禮服禮器秩然有條幼失怙事母極孝年五十孺慕不少衰鄉黨無不稱之歿後公爲請祀

傅以漸字星巖聊城人順治乙酉舉人丙戌會狀不數年入相謨謀篤棊吐握至誠自以顯榮太驟盛年告歸杜門著書深得老氏之學

王與勅新城人博學多聞少年卽得時譽順治初年膺薦貢入成均有司敦迫而與勅以有父年老堅辭不赴惟日課諸子各因其才盡以所學授之長子士祿登乙未進士官考功

員外郎次士禧邑庠廩貢次士祐康熙庚戌進士官中書次士徵順治戊戌進士官刑部尙書簪組之盛萃于一門而與勅視之恬如也嘗編累世家訓以示子孫忠孝勤儉之外不知其他累贈資政大夫祀於鄉

朱昌祚字雲門世居高唐州後遷歷城少穎異年甫十餘歲從軍以北及扈

世祖入關才著中外官宗卿數載

特簡淞江巡撫時浙東西土寇未靖昌祚撫勦悉當機宜兩浙皆平未幾杭紹台寧等處災荒疊告昌祚疏請賑饑浙民賴以全活者數十萬又清查積逋條晰律例酌定兵餉在任三載

旋遷閩督未之任再遷直隸河南山東總督值母喪請終制不允乃以墨經視事剔奸釐弊以疏諫八旂圈地事逆輔臣意輒置之法康熙九年

聖祖惻念其寃

特加追卹 賜葬祭謚勤愍蔭一子四品京秩

張鳳翔堂邑人前明萬曆辛丑進士歷官工部尚書 國朝初謝陞疏薦起用戶部侍郎奏稱山東瘡夷初定賦額宜稍寬得減三分之一計八十三萬東人感之

朱 纁字武林單縣人前明大名府知府忠烈公廷煥次子也忠烈盡節時纁甫九齡每以不及事父爲憾終身哀慕不

御羅綺事祖父備極恭謹事孀母備極色養與兄極友愛八十年身好無間遇邑中大興作必竭資以襄民力歿之日鄉人有慟至失聲者

房可壯字海客益都人前明萬曆甲辰進士由中書擢監察御史疏魏忠賢詔獄崇禎初起補南銓晉尙寶太僕光祿等卿遷副都御史引年乞休 國朝順治初以大理卿起用進刑部侍郎奏定律例可壯刪繁去苛與有力焉年七十餘卒謚曰安恪

張 布萊蕪人善讀書以父老丁繁乃焚筆硯應賦役遇逋賦迫索至鬻男女者布卽慷慨代完撫弟極友愛弟卒視其

子女有逾于已所出婚嫁必先之或有以倫序告者布曰此無父者也若等父在何憂遲暮耶歲饑焚千金之券復捐貲助賑鄉里多稱之爲隱君子焉

仇維楨字羽王益都人前明萬曆己未進士由中書擢禮科給事中立朝侃侃多所獻替累官至兵部尙書丁憂歸里國初被召入都以衰老乞骸骨歸里卒

韓國璽荏平人前明天啓甲子舉人國初授湖廣潛江令甫至任以拂上官意罷歸所著有高士傳大學衍義行世杜之棟郟城人前明天啓甲子舉人順治辛卯山賊寇郟城之棟罵賊而死

孫肇興字興公莘縣人前明天啓壬戌進士授山陽令陞主事忤璫論戍國朝擢天津兵備累遷廣西左藩仕終工部侍郎

孫雲龍字騰霄壽張人幼孤事母備極孝養雖遭饑饉流離而問視如常甘旨弗缺性尤沉潛理學常曰讀書不能學聖賢之學而僅識章句能文字末務也因躬行不怠數十年操履純篤卒爲名儒學者多宗師之卒祀鄉賢王鰲永字澗溯淄川人故明天啓乙丑進士累官副都御史巡撫鄖陽進戶部侍郎

世祖章皇帝綏定京師首先迎順以原官招撫山東行至青州爲

鄉民趙應元所殺 賜墓地一區廕一子

汪元度臨清人篤于孝友秉性介潔一介不苟家貧有友懷金欲贈之察其詞色終不敢出諸子在鄉里遇人構難善持平多爲罕譬不欲以訐爲直卒祀鄉賢

趙振業字墜垣博山人前明天啓乙丑進士知邯鄲縣有治劇才邑雖衝而政游刃秩滿行取監察御史出督漕運巡視荆南皆有政績 國初以山西督糧道起用肇興水利清核廢藩之產不遺餘力改廬州兵備使致仕歸

李允徵字徵甫德州人以舉人授故城知縣尋改豐縣豐邑素稱刁頑允徵杖斃土豪數人才風頓息入爲南城指揮陞工部主事督清江船廠剔弊釐奸吏畏而商悅爲刊漕使五集陞廣西左江僉事以病致仕歸尋卒

法 寰號怡雲膠州人前明天啓丁卯舉人好讀書授徒墨水之濱多所裁成 國朝除靜海令值歲大祲首捐俸散賑并勸當事者出粟千斛煮粥以濟饑民全活者無算癸巳秋膠鎮海時行叛時寰里居聞變罵賊而死併二子爽選皆遇害公舉入鄉賢祠

王 勤諸城人庠生性至孝事親盡禮好施樂善嘗周人之急濟人之困鄉人愛之卒祀鄉賢

丁允元字長人日照人前明崇禎辛未進士授中書舍人擢

戶科給事中拜疏改日照條鞭邑享其利論列權相鐫級調
外 國初任蘇州知府時庶務草創允元練習典故因事釐
正綱紀燦然陞廬州副使丈民田清欺隱包占不增虛畝以
病百姓屬邑邪教獄與株連者悉解縱後起榆林道以母老
不就

房 辰魚臺縣恩貢生學極淵通於五經諸史皆精研得其
要領尤以孝友著聞其他建宗祠脩學宮義所當舉無不竭
力爲之鄉評嘉許歿舉祀焉

李 植利津人前明崇禎甲戌進士授陝西韓城知縣開渠
灌田捐粟賑饑行取監察御史 本朝順治九年巡按河南

甫歷河懷二府值撤差尋丁母憂遂絕意仕進卒于家

張弘範膠州人庠生至性純孝尤篤友于之愛家貧常授徒
遠方以故年踰五旬尙乏嗣妻趙氏爲置一妾色絕麗將就
寢詢知妾故有夫緣被重累不得已自鬻遂危坐達旦卽遣
還之州人以此益推重焉卒祀鄉賢

李化熙字五絃長山人前明崇禎甲戌進士湖州府推官訊
獄慈祥累官總督 國朝以工部侍郎改兵部晉刑部尙書
特疏請復朝審并遣各直省恤刑永著爲例

耿章光館陶人由崇禎丁丑進士任山西曲沃縣知縣至尙
寶寺卿以父如杞勤王被陷死于極刑爲刺血明心一疏代

父鳴寃舉朝悼憫追復如杞原官卒祀鄉賢

趙國佐滋陽人前明崇禎己卯舉人至 本朝順治己亥需次得新野令以蘇民困爲己任設施未竟而卒識者多致悼焉

伊光啓字開雍新城人天性淳樸內行尤謹事繼母如所生事兄如父兄老無子以長子闢爲之後後以闢貴贈中大夫益自謙抑橫逆之來犯而不校遠近稱爲長者壽九十卒

李森先字琳枝掖人前明崇禎庚辰進士 國初授監察御

史巡按蘇 尋以失出逮獄民焚香詣闕訟其寃事白復其

原官

孫廷銓字枚先博山人明崇禎庚辰進士順治初以薦授河間推官累陞至吏戶兵三部尙書尋拜秘書院大學士廷銓司銓政最久以慎名器通淹滯爲己任故倖進之徒多不滿意及入贊綸扉勤脩庶政竟歲未嘗休沐兼以具慶在堂溫清念切康熙初 予告歸里卒 賜葬祭謚文定所著有泚亭詩文集漢史億歸厚錄顏山雜記等書行世

張 端字中柱掖人前明崇禎癸未進士 國初召用累官至大學士卒謚文安 竊攷 國初召用故明文獻皆登顯要其官至大學士而 賜卹 賜謚者如德州謝陞乃萬曆丁未進士崇禎時官建極殿大學士 國初加柱國太師卒

諡清義 賜墓地一區今稱謝家林祿位尊崇亦云盛矣而舊志不載獨於孫張二元老書銜書諡其故何歟

孫建宗字毓祺歷城人前明崇禎癸未進士 國初爲山右祁縣令有惠政累遷至睢陳兵備道革舖行免民夫招流移去虛糧逃亡歸故土者至二千餘家終太僕寺卿

張彥士定陶人行醇學博事親以孝著稱母歿哀毀逾禮五晝夜米勺不入口父涕泣勸之始少進食飲後居父憂亦如之順治初以歲貢司訓黃縣尋陞貴州赤水衛經歷未任以疾乞歸鍵戶讀書所著有讀史贊疑十卷小學忠孝可世卒祀於鄉

朱鼎延聊城人前明崇禎癸未進士歷任至工部尙書陳情終養旋里問寢視膳曲盡子道潛心程朱之學時以正心誠意持已訓人素甘淡泊雖位至司空全不經營資產東郡考院傾圮捐金脩整至今煥然卒祀鄉賢

任孔當濟寧人前明進士曾任山西陽曲知縣以丁艱回里旋值流寇猖獗充屬多不保而濟寧又多寇黨孔當捐貲招募躬親堅銳掃除寇氛閭州咸荷更生後于順治十七年以壽考終公舉祀之

張丕吉字百嶼嘉祥人前明崇禎癸未進士性穎異讀書嗜古尤工詩賦 國朝順治二年授翰林院編脩丙戌卽分校

禮闈所拔多名士時翰林院分局纂脩明史同輩每推之曰此非張百嶼不能辦也未幾以父憂旋里服未闋卒所著有皇華偶紀行世已丑使南閩作也

周伯達字洱如萊陽人前明崇禎進士累官山西僉事本朝順治初年起巡撫甘肅時羗民尙懷疑懼伯達宣布德威未旬日皆歸化尋改江寧巡撫有故帥吳勝兆叛伯達星馳擒戮之至其裁汰繒夫清除漕弊抑客兵之橫杜告訐之風三吳之民實賴以休息江右金聲桓爲逆督臣羽檄旁午數日間伯達措餉三百萬船八百隻以應視事九月憂勞致疾卒于官

范明徵霑化人歲貢生博涉經史著作甚富人皆稱爲通經博古之儒

李呈祥霑化人前明崇禎癸未進士授翰林院編修本朝順治三年任國子監祭酒歷詹事府少詹以建言謫居奉天八年赦還里居窮約以教授生徒爲俯育之資有旂婦陳氏欲入空門守志而其主不允呈祥聞之緘歲修爲書屬其主而贖之乃爲尼聞者感其義

黃圖安字四維堂邑人前明崇禎丁丑進士保定推官至本朝歷仕至甘肅巡撫清介有聲

周爰訪字成延寧陽人前明崇禎癸未進士本朝授以翰

林一時制誥多出其手乙酉分校北闈丙戌主試荆楚甄拔悉知名之士士林誇藻鑑者至今傳誦焉後陞弘文院編修卒於京

苑生瑞寧陽人明季生員力敦孝友五世同居因廣建房舍召族子弟之無力就學者命其訓誨之成就甚夥歿于康熙三十年鄉人公請祀之

焦毓慶字善餘章邱人順治甲申拔貢授江西永新令清白自誓會金聲桓爲逆毓慶罵賊而死妾劉氏併僕劉治張乾皆盡節死

王登聯字捷軒茌平人扈從入關占籍旗下初授鄭州知州累官至大理卿折獄定讞多所平反出爲保定巡撫清介無所容物以諫圈地死後

聖祖仁皇帝憫恤之賜葬祭諡愍愍蔭子四品京秩

王荃可字遇符益都人順治丙戌進士由中書考授監察御史巡按廣西值滇逆寇陷粵省荃可不屈死之事聞詔贈太僕寺少卿廕卹如例

周如春字麗陽金鄉人順治初由歲貢知江西星子縣有吏才爲士民所感戴會金逆之變孤城被圍糧盡乏援而陷如春被害妻妾賓從同殉難者凡二十一人邑士民爲建忠烈祠以祀之

國徵字明生博興人順治乙酉舉人任直隸大名知縣天性純孝居喪三年未嘗見齒居官善於催科不用鞭朴蒞任三月教化大行至終月無爭訟者卒祀名宦鄉賢

艾元徵字長人濟陽人順治丙戌進士時父馥以永明令致仕家居元徵怡怡色養庭對之外絕不問家人產後以官僚得任子元徵無所出父曰爾諸弟能自強從兄元熹吾甚愛之當以其子為後乃任汝霖元徵官至刑部尚書卒賜祭葬後汝霖官鶴慶知府有清白聲能克承先志焉

王 度字平子泰安人順治丙戌進士性孝友行事亦敦厚和平由大同令擢刑部主事恤刑江南之安徽池太四府多所平反全活甚眾累官戶部侍郎以年老致仕歸居鄉謙謹年八十餘而卒

藍 潤字海重卽墨人順治丙戌進士自庶吉士歷陟侍從出為江南上江督學搜拔寒畯士論悅服轉福建右叅政值海寇攻榕城率眾守之城得完又補廣東左叅政招降蘆田橫水諸寇尋司臬江南獄多平反陞湖廣布政使吏議前鞠失守事坐削職歸

甯之鳳字德九寧陽人順治丙戌進士初受工部主事遷郎中擢知河南府時有流寇遺黨鼓惑兵民約於正月十六晚襲城之鳳聞之急聚集敢死內丁二十名選衙丁精壯者三



山東通志 卷之二十一
百人伏於城濠二更賊果大至之鳳卽躍馬突出伏兵皆起
賊衆驚竄殲厥渠魁一城以安後歷陞陝西布政使卒于官
李道昌海豐人順治丙戌進士授監察御史仕至大理寺正
卿道昌係遺腹子有至性五六歲時嘗以父容問母母指示
其形狀遂屢夢見其父卽起繪之後竟得其形似巡按河南
當流寇殘害民未安堵道昌力事招徠興利除害餘寇招安
者二千餘人流亡得以復業及任大理心存平恕全活甚衆
卒崇祀鄉賢

張四教萊蕪人爲諸生時以歲薦讓同舍人高其誼順治丙
戌成進士授山西平陽司理以明允入上考擢刑部郎視學
山右所得士旋發甲榜者二十六人晉陝西兵備道至則兵
戢民安政聲益著其生平訓子弟讀書則以立身爲第一義
作家則以早完官稅爲第一義故張氏一門端謹奉法無掛
吏議者歿後公舉入祠

楊宗震字嚴四濟寧人順治丙戌進士授陝西興安知州招
徠安集疆域以寧收任乾州尤多惠政轉江南驛鹽道時江
洋適有寇氛宗震造理戰船晝夜不怠於民不擾而軍需早
備尋以勞卒於官

劉芳聲字茂遠魚臺人順治丙戌進士由主事累官鞏昌知
府招流移勸開墾繕城賑饑美績甚著尋陞桂林道赴任便

道省親適其父病篤將屬纊而芳聲至其父復甦執手留連越日乃逝人以爲純孝之感服闋補貴州畢節道改平大黔威守道以裁缺歸居鄉三十餘年設義學施藥餌鄉族多蒙其德子澄亦好施樂善有父風卒皆祀於鄉

張啟泰字開之長山人順治丙戌進士初知鳳陽縣歲稔捐粟賑饑全活數千人再任淇縣淇當孔道舊有運車爲累啟泰設法歸驛民咸德之以卓行人爲兵部郎歷官至嶺南道僉事以疾卒於官人共惜之

朱虛字若虛荷澤人順治丙戌進士初知衡水縣稱循良第一擢監察御史巡視中城力剪強橫不避權貴旋督學秦中至則定試額遴拔寒畯政教一新會停差改授浙東叅議報最擢蕭州副使未任以疾致仕歸筭惟圖書數卷而已居恒讀書嗜古所著有詩經箋右今疏於園集行世卒於家祀鄉賢

李炘字闇修長山人順治丙戌進士任衢州府推官聽斷明決郡稱神明時劇盜熊奇方寇掠浙西炘設法捕之其餘黨又陷台州炘往設防禦賊平歷官至刑部郎中以疾歸王天眷濟寧人順治丙戌進士官行人兩次遣封安南贐遺一無所受分校順天鄉試矢公矢慎所得多名宿後位司空半載卽力請告歸鄉評重之

邵士標濟寧人順治丙戌進士授河間推官審讞獄囚事多平反擢御史條奏皆切時弊遠近稱焉

李适字長倩壽光人順治丙戌進士知內黃縣尋調湘陰兩邑俱有循績

張初旭臨朐人順治丙戌進士授湖廣辰州推官經理寧鄉縣墾荒事有條理却除長沙漕例羨金政聲卓卓時經略洪承疇疏薦其賢將召試擢用初旭辭曰士以譽而進必以毀而退吾不為也遂引疾歸

趙尹振號錦曇齊河人性倜儻尚氣節順治丙戌成進士任阜城知縣勸農課士有治績尋調衡山時闖賊餘黨突陷湘潭潭或勸尹振棄城去振不許城陷死之

陳益修濟寧人順治丙戌進士初任貴池令時大軍南伐供應浩繁益修調度有方不勞民力旋陞主事督荆關稅務課裕而商不擾人皆感之

朱長泰德州人順治丙戌進士任江南含山知縣為政果斷獎善必力除惡務盡三年考成廉敏稱著

李邦彥益都人汶土儒學教諭順治三年土寇陷汶上邦彥死之

張其抱字仲展高唐人事母至孝嘗焚香告天願以巳年益親壽母卒哀毀盡禮事兄惟謹其變終身後成順治丙戌進



士官虞城知縣宦成之後與兄怡怡朝夕邑人俱賢之
葉承宗字奕繩歷城人性好學讀書必究根柢順治丙戌成
進士授臨川令值贛鎮金聲桓爲逆臨川城陷承宗死之其
弟承祧跳城奔告征南譚大將軍譚奇其才貌兼憫其兄忠
義因劄委興安令事平改補平陽郡丞擢守西安亦多惠政
人稱不愧其兄云

楊大觀蓬萊人樂施好義族中子弟貧不能讀書者皆捐貲
引掖之甲申乙酉間歲大饑竭所有以周族又爲白姓贖妻
完聚鄉閭稱頌無異詞卒以子貴贈文林郎

郭震櫪汝上人以廩貢任陵縣訓導旋攝縣篆當土寇蜂起
與紳士登城守禦寇不敢犯居家事母至孝母病目失明震
櫪延醫禱天備極誠感母目復明人咸異之

張重潤萊陽人以歲貢授河南陳畱知縣值兵荒水患之後
竭力招徠躬踐泥淖審水勢以爲疏導水不爲災時匿田之
禁方嚴及供兵供驛頗爲民累重潤皆涕泣請寬首崇學校
人文振起前明壬午萊陽兵燹其父母同時殉難重潤哀號
匍匐求骸骨於烽火中棺殮如禮人稱其孝

張爾岐濟陽人順治初貢生淹貫經史遠近學者宗之性孝
友服親喪三年號泣不輟殯葬悉遵古禮與兩弟分居田廬
之美好者皆讓於弟以二弟有殘疾爲代納賦稅三十餘年

及易簣時猶遺言囑子代納以終二弟之身著有蒿菴集儀禮鄭注句讀周易說略新濟藝文等書卒祀鄉賢弟爾崇亦知名於世著有尙書通義五卷

馮溥字孔博臨朐人家世貴顯代有名人溥生八歲受左氏春秋暨秦漢以下古文卽能貫串根柢稍長窮極經史凡天文圖緯及兵書地志罔不博綜順治丁亥舉進士授翰林院編修屢遷至侍讀學士尋陞吏部左侍郎時尙書孫廷銓病日右侍郎石申亦以事注籍凡一切推補溥獨主之一秉至公無所曲庇康熙初年四大臣秉政議各省遣大臣二人巡察督撫溥力爭以爲不可乃止陞都察院左都御史於是

有申嚴職任暨省刑薄稅等疏未幾遷刑部尙書辛亥拜大學士有特薦魏象樞成性疏又有發帑備荒疏在閣二載開誠布公表裏洞達既不詭隨又不矯激商略大政或僉謀可用卽庶僚不遺若義所不可雖貴近交口而溥必力爭改正總求有益於國而中無成心至二十三年溥年七十有四引年乞休抵里後加太子太傅卒諡文毅

李之芳號鄴園惠民人順治丁亥進士授浙江金華推官燭奸理枉讞決如神陞刑部主事進郎中清理積案皆極精敏尋改監察御史巡按山西又巡視兩浙鹽課凡在臺中十四年忠謀讜議皆關大計所彈劾不避權要遂超遷左副都御

史旋加兵部侍郎總督浙江軍務其明年耿逆煽動之芳以
衢州係全浙上游且爲江淮屏障卽日自杭移駐於衢時有
異議者皆置弗聽及耿逆重兵壓境爲書以甘言來誘之芳
立斬使焚書誓師出戰以卒四千破彼數萬賊勢大挫方戰
時之芳皆親冒矢石或勸其宜持重母親蹈不測答曰吾若
貪生誰不惜死以此人皆奮力効用及溫台從逆沿海告警
而賊將李九玉等又盤踞仙霞之西以通江右衢以屹然一
鎮在衆敵之中或議棄衢退守之芳獨堅持不可日夜申戰
守之備卒之大軍入閩長驅三關賊指日面縛而全浙無恙
者皆之芳親捍三衢力也自身在行間歷九年乃凱旋入杭

康熙二十一年陞兵部尙書去浙之日士民號呼如失父母
尋轉吏部尙書屢疏乞休不允拜文華殿大學士未半年
予告家居七年而卒諡曰文襄

焦毓瑞字石虹章邱人順治丁亥進士以翰林改授御史巡
視通倉剔除積弊繼視河東鹽政奸商大猾爲民害者一一
戢禁之累官少司寇改少司農卒於官

任克溥字海眉聊城人順治丁亥進士初任南陽府推官時
值兵燹後人民逃竄克溥鋤荆棘刈草萊治城郭修學宮設
義學撫流亡期年之內百廢具舉擢垣中凡所建白皆裨治
理累官至刑部侍郎卒祀鄉賢

杜 濼濱州人順治丁亥進士初除正定府推官隨總督張存仁平榆園賊所俘獲咸就訊於濼濼錄渠魁釋脇從凡活數百餘人擢禮科給事中抗疏言黃河潰決由濱入海淹沒民田皆由河員防治不力請遣大臣行河尋轉河南驛傳鹽法道竭蹶供職事無鉅細必躬必親後以疾篤乞歸先是在維揚以無子娶江寧崔氏女爲妾既見詢知爲士人女遽遣歸復贈十金以爲舟車費人咸欽其厚德云卒祀鄉賢

宋 琬字荔裳萊陽人順治丁亥進士授戶部主事監督江南蕪湖關潔已恤商歲額轉逾於舊遷吏部稽勲司在司兩月選人無滯抑之歎出爲隴西道值地震後修築城垣瘞屍

賑粥生全者無數隨督隴西學政清慎公明號稱得士歷承平兵備及寧紹台道軍民咸戴其德尋陞四川按察使致仕歸其居家尤敦孝友虛懷下士樂爲薦揚工詩古文詞盛名滿于天下時稱南施北宋施謂施閏章也歿祀鄉賢

黃敬璣字在之濟寧人順治丁亥進士事繼母甚孝待繼母弟極其友愛宗族鄉黨俱無間言初授江南安慶推官廣置學田以贍貧士屬邑山賊竊發敬璣單騎諭降併曲爲撫循人皆感激尋擢監察御史內陞未補而卒

公家珍字明璧蒙陰人順治初以選拔貢知河南襄城縣時豫省殘破之餘流氛未靖家珍竭力拊循招徠復業者甚衆

秩滿陞黃州府同知

劉淮城武人以歲貢爲濱州學正轉國子監丞剛方嚴正力倡理學刊覺悔集先正格言以訓學者居家至孝恤族賑荒多厚德歿後公請祀之

李之莊號雪巖惠民人大學士文襄之弟歲貢生天性至孝友愛敦篤文襄督兵勦逆之莊奮不顧身募鄉勇礪器械從事戎行頗多贊助州學傾地捐貲修葺復設義學教育單寒三十餘年不廢歲饑輒於通衢設粥廠以食餓人全活無筭州東南有徒駭河每衝決淹沒田廬倡築堤岸以禦水患閭州賴之卒祀鄉賢

孫揚聲字靜來萊陽人由舉人授鄖陽府推官家素貧而敦篤族誼每不遺餘力任鄖陽清操愈勵淡泊甚於家居順治四年山寇猝發郡城失守揚聲獨挺身拒賊力鬪不支被執慷慨罵賊遂以身殉贈湖廣按察司僉事廕一子

沈夢鯨蓬萊人由貢生初任順天懷柔知縣陞福建建寧府同知政教甚著順治四年建寧土寇王祁烏合逼城下夢鯨與知府高簡拒守兩月鯨率子時宜時化及家丁沈平等二十二人率本城義勇突出以戰時賊兵甚夥衆寡懸殊鯨被烏鎗傷重時化負父以逃死于僧寺時宜沈平等皆死於兵後督院佟提兵南下時化誓報父仇投充健卒斬關斫殺多

人大兵乃長驅以平賊衆時化隨扶父柩回籍

伊 闕字盧源新城人順治戊子解元乙未成進士由翰林
改御史巡按山西康熙十九年以副都御史巡撫雲南時值
大軍平逆主客兵以數萬計措辦軍需安慰百姓焦勞成疾
竟卒于官

李允徵字遠公曲阜人順治戊子副榜任温州太原二府通
判皆有政聲居家孝鄉人重其德行從游者不可勝計歿後
公舉祀於鄉賢

朱弘祚字徽蔭高唐州人三省總督昌祚之弟舉順治戊子
鄉試選授盱眙令以廉勤自飭值歲歉申請蠲賑復自假貸

二千餘金煮糜飼之鄰封就食者常數萬人訖無流殍以卓
異補刑部郎發奸摘伏冤獄多所開釋出守直隸亦著聲績
遂撫兩粵抵南雄首革庾嶺役夫勒石永禁先是粵東軍興
芻菱屣屨之需征至百萬餘金反浮正供弘祚亟爲裁革臨
高澄邁吳川諸邑殘於兵燹卹舍爲墟疏請蠲賦以招之流
亡悉復故業上鹽法入疏皆中機宜尋改總督浙閩飭營伍
覈餉械嚴扣剋東南壁壘一時改觀後奉修南河卒于工所
王 清字素修海豐人順治己丑進士官吏部侍郎務持大
體爲銓部名臣兩典會試三充讀卷官俱稱得士在史館譯
修經史定條例復舊章年四十三卒時人惜之

韓理字長公淄川人順治己丑進士授松江府推官旋視府篆猝有海警理多設方畧城賴以安邑人立石記其功程際雲平陰人順治戊子拔貢當甲申乙酉時際雲嘗奉二親避難在平及城陷倉皇負母涉濠水深滅頂際雲常若足下有支柱之物既濟而視之前後渡者皆不免人謂孝感所致康熙元年授順德府通判融融祿養得天倫之樂尋陞廣西梧州府同知以道遠不得迎養遂辭以疾父母年皆九十餘歲後服闋擢補貴州石阡知府卒於任

蘇之中武城人監生天性純孝好善樂施卒祀鄉賢

唐夢賚字濟武淄川人順治己丑進士授翰林檢討以上疏言事不合例罷歸家居閉戶銳意於詩古文詞故著述甚富

有銅鈔疏禁糴說備邊策皆留心經濟之書
王鏐字伯和諸城人生而穎異登順治己丑進士授戶部主事晉本部員外郎乙未出守饒南時饒新被兵戊卒驕悍多有收良家子女者鏐出囊金畢贖寧家擢副使尋陞黔臬治獄多所平反土司龍瓚本不謀叛貪弁襲執爲功鏐破械出之曰若貪功而令我枉法殺人乎晉江南布政使時藩署新設極稱繁劇鏐慷慨受事切究利弊原委期年卒于官
宋可發膠州人順治己丑進士初令福建將樂縣有惠駿山寇欵服歷臬晉蜀獄無冤抑擢粵東布政告病歸卒

盧運昌陵縣人順治己丑進士任遠安令多惠政時有巨寇攻城運昌多方固守城賴以全又請賑饑民之流遺者全活甚衆

吳表一嘉祥人順治己丑進士知湖廣漢陽縣設義渡除行稅爲楚北循良吏以病乞歸卒祀鄉賢

陳兆鸞濰縣人順治己丑進士仕至河南彰德府知府正己率屬吏戢民懷有古循良風卒祀鄉賢

王功成博平人順治己丑進士任山西長治縣歷官至江南驛傳道際三藩之變羽檄如織功成整理舟車按期接應署按察使事大獄多所平反卒祀鄉賢

陳朱垣寧陽人順治戊子拔貢初授鞏縣知縣遷江寧府同知旋告歸行李蕭然林居二十餘載足跡未嘗至縣庭惟訓子弟課耕讀以樂餘年邑令舉飲賓者再皆不就

朱應麟字石袍單縣人稚齡有至性父病籲天求減己壽以益父病果瘳誼篤姻族助舉喪者數十計代完娶者亦十數人而其尤表著者贖榆園賊之擄婦拒李化鯨之來寇鄉人寔賴其德後以子瑗對奉政大夫祀鄉賢

朱克配字堯天寧陽人勇於爲義爲齊魯知名順治初土寇蜂起克配練鄉壯每擒敵必身先之鄒滕汶泰間恃爲保障後隨大軍平定江南徐邳諸州皆克配傳檄而定攝邳州篆

授六安參軍署霍山等縣草竊之輩一聞克配名皆輸誠歸服蕩平之後卽投劾歸里邑人感之公爲請祀

田實栗字裕所德州人庠生天性孝友操行端方家貧授徒一時從遊者皆成端士爲諸生三十年未嘗一至公門鄉黨咸推重之卒祀鄉賢

鮑化龍長山人性至孝慷慨好施舉鄉飲大賓卒祀鄉賢

李 簠日照人性至孝友爲諸生時嘗教授生徒語人曰寒儒處盛明之世無所謂功業也惟陶成一二人物可以儲國用耳順治辛卯登賢書授蓬萊縣教諭乙巳遷安東衛教授課士規條一如家塾秩滿陞江西浮梁知縣蹙然曰吾堪爲

人師長不能爲民父母也然君言不宿吾勉赴之未期年卽稱疾告歸乃出已貲鑿義井三以便汲施地一區以公貧不能葬者至今鄉人猶頌德不衰卒後十年公舉入鄉賢祠張瑞徵萊陽人順治壬辰進士選庶常洊歷宮允出爲汝南道汝南水旱頻仍荆榛滿路瑞徵下車卽修葺城垣捐資賑濟地方漸有生人之樂其折獄明敏辨冤晰枉尤表表一時光州賊襲商城會勦擒戮瑞徵之力居多其典試兩浙所拔皆知名寒士至居鄉訓子孫惟務忠厚戚黨待舉火者甚衆後以壽考卒于家公舉祀之

劉必顯諸城人順治壬辰進士任戶部主事管八旗戶口守

正不阿監督通州中南倉一切陋規盡行革除司權蕪湖鈔關嚴禁蠹吏需索商民德之終戶部員外郎卒祀鄉賢

劉毓桂字宮培壽光人順治壬辰進士授揚州推官剖決明析平反冤獄發江洋大盜寘舞文吏于法海寇掠江南潤浦瓜儀皆震毓桂登陴城守指畫方畧寇知有備遁去舉卓異尋以註誤歸里

田緒宗字衍文德州人順治壬辰進士授浙江麗水知縣勾稽土田戶口之籍不任胥吏後賦以清修復邑西通濟堰障松遂兩溪分支流四十八以灌民田在任甫五月卒于官民甚惜之

李士模高密人順治壬辰進士初知河南桐柏縣以才能調直隸盧龍兩邑治政皆稱循卓仕終大理評事

劉新國陽信人由歲貢授陝西鎮安縣令鬻田產以自給錙銖不取民間鎮安地瘠民多逃竄百計招徠一年之內漸次復業有盜嘯聚山林出沒爲害新國單騎諭以利害悉倒戈而迎百姓安堵以積勞乞休卒祀鄉賢

王 隲號辰嶽福山人順治乙未進士初授戶部主事歷轉刑部郎中陞四川松威道時兵氛未靖轉餉深入險阻兵賴以濟勦撫巴豬等寨恩威並用邊徼永寧蜀中有採運楠木之役雲棧路險運送甚艱適代藩司入覲卽繕疏奏請免之

蜀人至今感頌轉口北道內陞卿貳出撫江西潔已率屬甫
兩月總督浙閩聞楚中夏孽跳梁移鎮延平居閩浙適中地
為犄角以壯聲援賊尋平陞戶部尚書以年老乞休歸里八
十二歲卒祀鄉賢

王 昉福山人以孝弟好施聞于鄉尤嗜學詩字可追晉唐
風力

孫光祀平陰人順治乙未進士好讀書尚氣節在諫垣疏凡
二十餘所陳皆切要其不下部議而徑行者亦有之累遷兵
部右侍郎歲已未歸田越明年歲大祲出粟五百石以賑全
活無筭至如睦族黨周貧乏設義學建橋梁懿行班班又其

餘事云卒祀鄉賢

李贊元海陽人五歲而孤事母盡孝少貧乏其母檢舊券不
下千金贊元閱其人亦多中落竟白其母焚之順治乙未登
進士選庶常改授御史巡按三楚值歲饑卽捐資市穀以賑
全活無數水火壞民田廬又倡捐築堤植柳迄今猶多賴之
旋巡視兩淮離政潔躬除弊調劑得宜商灶歡呼凡所施行
皆裨鹽政累陞督捕侍郎條議分別窩逃及誤娶逃人外生
之女當免議列入條例實造後人之福後簡任樞府告歸旋
逝

黃貞麟字振侯卽墨人順治乙未進士授鳳陽府推官時值

山東通志 卷之二十八
大獄蝟紛如海寇逆案逮及失出守令逋賦案逮及諸生百人劫鞠案逮及他郡紳士凡有承審貞麟皆虛心研訊無辜者多省釋以推官裁缺改令鹽山擢戶部主事爲倉務挂誤歸里卒

王如辰字北野膠州人順治乙未進士初授直隸交城令交治多山綿延百里積寇盤踞時時攻劫爲害如辰之任七日卽設計擒渠魁歸京師正法邑患虎爲文檄之虎逸去擢戶部主事歷郎中出督學廣西時值兵燹九府學宮大半鞠爲茂草乃倡捐建之復于桂林建華掌書院擇諸郡名士讀書其中所造士甚衆粵西風氣遂爲之一開

曹申吉字錫餘安邱人順治乙未進士由庶常外轉分守湖廣鄖陽治政循卓而尤長於聽斷督撫交章薦之蒞歷禮兵二部侍郎酌復舊章多所建白出撫黔中奏改衛所歸併州邑以一事權招撫生苗編隸版圖廸以文教不三年而吳逆叛於滇黔帥從賊內應執申吉不屈舉家被害

張我鼎清平人順治乙未進士任四川鹽亭縣知縣行取戶部主事分理糧儲出入嚴明吏不敢欺卒祀鄉賢

王曰高荏平人幼有神童之譽由順治乙未進士授翰林改給事中在科垣十有七年多所建白而杜門焚草可謂直而不諂歲癸卯典試江南得兩鼎甲五尙書三大學士亦可稱

得人之盛者所著有槐軒集行世

王士徵字貽上新城人順治戊戌進士吏部員外士祿之第
初任揚州司理讞海寇重案全活甚衆以才名內擢旋由部
曹改翰林屢遷至兵部督捕侍郎旋改戶部持中會計屏絕
膏潤及轉右都御史則抑奔趨崇恬退深得風憲大臣之體
士徵詩文氣誼冠冕士林六十年海內奉爲宗匠所著述甚
富家刻共三十二種歿後揚州人祠祀於平山堂與歐陽修
蘇軾共稱三賢云

丁 泰字來公日照人順治戊戌進士授陳畱令時楚南未
靖師旅往來供應不貲泰一意休養民免驚擾考績稱最補

吏科給事中尋掌工垣前後條議如嚴漕折清屯通弛海禁
察侵欺無不中窾予假歸里卒人皆惜之

任 珙高密人順治戊戌進士仕至監察御史正色立朝中
外推重嘗巡視長蘆鹽政絲毫不苟凡便益鄉里之事必請
於朝而後行歲己未邑大饑捐穀千餘石以助賑又出貲千
餘金以修學宮邑人至今誦之

張志禮昌邑人順治戊戌進士任直隸高陽知縣政治和平
旗民不擾擢吏部主事遷本部郎中纂修吏部會典不浹旬
稿脫乙卯請假歸里首捐金倡新學宮建設義館邑士人咸
感戴之卒祀鄉賢

趙增汝上人明翼城令堪之弟增以順治戊戌進士初授山西安邑知縣再補福建閩縣時閩寇初平增力求綏輯撫循備至旋擢兵部督捕主事以安靜爲務株連之累一蘇後引疾歸里督課子弟甚謹以壽考終祀鄉賢

劉棗字毅卿諸城人戶部員外郎必顯子順治戊戌進士爲太原推官常存矜慎每判一囚必求其生於萬一未嘗以讞語假人奉裁改河間知縣裁汰陋規力行保甲吏民畏威懷德授刑部主事修大清律於條例異同多所訂正博核精敏同僚稱重己未視學江南取士得人文風一變因內艱歸不復起卒祀鄉賢

蕭惟豫德左衛人順治戊戌進士翰林院侍讀提督順天學政力拔孤寒貧緣盡絕年甫逾三十卽以終養乞歸

黃運啓昌邑人順治戊戌進士初令浙江新昌縣多惠政歷陟兵科給事中亮直端謹克稱厥職以疾卒於官

伊嚙新城人順治戊戌進士歷任思南寧國推官矜慎庶獄以明允著稱有祥刑遺愛錄行世卒祀鄉賢

楊維喬寧海州人由順治己亥進士選庶常考授監察御史出爲口北道有積棍暴恣久爲民害維喬懲以重法復宥之以情遂皆洗滌成良民尋以親老不忍暫違力請終養以歸歿後公舉入祠

崔迪吉在平人順治己亥進士任陝西白水知縣取與必廉然諾必信鄉黨稱其孝友始終無間


于覺世字赤山新城人順治己亥進士授歸德府推官以裁缺改知巢縣縣帶山瀕湖號稱難治覺世為政寬簡間以嚴劑之俗好巫尙鬼覺世捕其首奸風俗乃改庚戌江北饑巢邑尤甚覺世捐俸錢購米以食饑者全活數萬人癸丑滇逆發難有巨寇宋某起安廬間眾數千人攻剽郡邑將據焦湖以應之揚帆自大江東下覺世知之設伏于南門浮橋身率甲士邀擊之殲其巨魁安廬之盜遂絕後以禮部郎中視學廣東其教士先德行而後文藝士翕然化之三年報最擢布

政司參議致仕歸奉繼母甚謹鄉黨稱其孝焉

孫必振字臥雲諸城人順治己亥進士初任懷慶推官兌漕小灘鎮免例金二千兩且勒石永戒奉裁改授陵川知縣陵經兵燹道路阻塞鑿山開道以通行旅陵人號孫公峪行取為監察御史凡所建白皆切時政巡饒兩浙宿弊一清以疾乞歸卒於家祀鄉賢

馬驕字宛斯鄒平人順治己亥進士任淮安司李平反者三十案即奉裁補靈璧令革陋例除荒糧均里甲請蠲賑凡便於民者盡行之卒於官

谷資生陵縣人順治己亥進士初任蜀之太平縣時值兵燹



後人多流移資生悉心招徠民始安集補築陽極意區畫榮
逼近黃河資生築崇墉以防水決至協濟軍興悉合機宜擢
淮安郡丞未之任而卒

王政陽信人順治己亥進士任直隸唐縣知縣縣治濱河
地畝每為水漲沙壓包累錢糧政親為檢勘凡實在被傷處
所力請題豁又請免每歲狐皮解費四百餘金請散遞馬
於要道州縣以蘇里社喂養之累又力請廣入學之額助被
唐邑不勝枚舉後歸歿祀鄉賢

何廣汶上人天性至孝年九齡值歲歉親老躬自拮据負
米以供朝夕父歿事母甚謹勵志讀書順治己亥成進士授

